

D.R. 15/95

Naskhah Sahih—Bahasa Kebangsaan

RANG UNDANG-UNDANG PENJARA 1995

SUSUNAN FASAL

BAHAGIAN I

PERMULAAN

Fasal

1. Tajuk ringkas dan mula berkuatkuasa.
2. Tafsiran.

BAHAGIAN II

PENUBUHAN DAN PENTADBIRAN

3. Kuasa mengisytiharkan penjara.
4. Bangunan sedia ada diisytiharkan sebagai penjara.
5. Perihalannya penjara dalam writ, dsb.
6. Penguntukan penjara bagi kategori banduan.
7. Penetapan lokap di balai polis dan bangunan mahkamah sebagai **tempat tahanan.**
8. Penjara sementara.
9. Pentadbiran penjara.

BAHAGIAN III

PEGAWAI

10. Perlantikan pegawai.
11. Ketiadaan atau ketakupayaan Ketua Pengarah.
12. Perintah Tetap Ketua Pengarah.

Fasal

13. Tugas Ketua Pengarah.
14. Pegawai Perubatan dan Pegawai Pergigian bagi penjara.
15. Tugas Pegawai Perubatan dan Pegawai Pergigian.
16. Terma dan syarat perlantikan.
17. Tugas pegawai penjara.
18. Senjata, pelengkapan, dsb.
19. Perkhidmatan dalam Malaysia atau di atas vesel, pesawat udara, dsb.
20. Pematuhan undang-undang bertulis dan perintah yang sah.
21. Pegawai penjara disifatkan sebagai pengkhidmat awam.
22. Penggunaan senjata.
23. Pegawai penjara mempunyai kuasa pegawai polis.
24. Bantuan polis semasa darurat.
25. Pegawai penjara tidak boleh menjadi anggota kesatuan sekerja.

BAHAGIAN IV

JAGAAN DAN PENGALIHAN BANDUAN

26. Jagaan.
27. Penyerahan orang yang ditahan secara waran.
28. Penyerahan orang yang ditahan secara reman.
29. Pegawai yang Menjaga hendaklah menahan orang yang dikomitkan.
30. Pengemukaan di hadapan mahkamah.
31. Kuasa Ketua Pengarah memerintahkan pengemukaan dalam hal tertentu.
32. Pengalihan dan pemindahan banduan.
33. Pemindahan banduan yang dijatuhkan hukuman mati.
34. Perintah berhubungan dengan banduan yang dipindahkan.
35. Keterangan.
36. Banduan celaru mental.
37. Banduan yang sakit.
38. Pemulangan ke penjara.
39. Tanggungan kerana melarikan diri.
40. Tugas untuk membantu dalam mencegah kelarian.

Fasal

41. Jagaan khas dalam hospital.
42. Vesel pengalihan.
43. Pelepasan banduan secara lesen.
44. Peremitan hukuman.
45. Pembebasan banduan.
46. Kuasa kecualian Mahkamah Tinggi.

BAHAGIAN V

PEKERJAAN DAN TATATERTIB PENJARA

47. Kesan hukuman pemenjaraan.
48. Skim bagi banduan untuk melibatkan diri dalam pekerjaan.
49. Pengasingan banduan.
50. Hukuman bagi kesalahan penjara oleh Pegawai yang Menjaga.
51. Daftar hukuman.
52. Banduan boleh membuat pembelaannya.
53. Pendakwaan bagi kesalahan.

BAHAGIAN VI

KESALAHAN

54. Kesalahan mengenai perbekalan penjara.
55. Pembayaran wang dilarang.
56. Penyerahan pakaian seragam, dsb. semasa berhenti.
57. Pemilikan, penjualan atau pembekalan artikel yang dibekalkan kepada pegawai penjara, dsb. yang menyalahi undang-undang.
58. Penyeludupan artikel yang dilarang ke dalam penjara.
59. Penalti am.

BAHAGIAN VII

KUMPULAN WANG HADIAH PEGAWAI PENJARA

60. Kumpulan Wang Hadiah Pegawai Penjara.
61. Penggunaan Kumpulan Wang.
62. Pentadbiran Kumpulan Wang.

BAHAGIAN VIII

AM

Fasal

63. Pegawai penjara tertakluk kepada peraturan-peraturan tatatertib.
64. Perlantikan Hakim Pelawat.
65. Tugas Hakim Pelawat.
66. Lawatan oleh Hakim, Majistret, dsb.
67. Peraturan-peraturan.
68. Peruntukan pemansuhan, kecualian dan peralihan.

JADUAL PERTAMA.

JADUAL KEDUA.

JADUAL KETIGA.

RANG UNDANG-UNDANG

bernama

Suatu Akta untuk menyatukan dan meminda undang-undang
berhubungan dengan penjara, banduan dan perkara-
perkara yang berkaitan,

[]

MAKA INILAH DIPERBUAT UNDANG-UNDANG
oleh Seri Paduka Baginda Yang di-Pertuan Agong dengan
nasihat dan persetujuan Dewan Negara dan Dewan Rakyat
yang bersidang dalam Parlimen, dan dengan kuasa
daripadanya, seperti berikut:

BAHAGIAN I

PERMULAAN

1. Akta ini bolehlah dinamakan Akta Penjara 1995 dan hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta*. Tajuk ringkas dan mula berkuatkuasa.

2. (1) Dalam Akta ini, melainkan jika konteksnya menghendaki makna yang lain— Tafsiran.

"Akta" ertinya Akta Penjara 1995; Akta .

"banduan" ertinya seseorang, sama ada disabitkan atau tidak, yang dikurung dalam sesuatu penjara ;

"banduan muda" ertinya seseorang banduan yang di bawah umur dua puluh satu tahun;

"diet terhad yang ditetapkan" ertinya sesuatu skala diet sebagaimana yang ditetapkan dari semasa ke semasa bagi maksud seksyen 50;

"ditetapkan" ertinya ditetapkan oleh atau di bawah Akta ini dan jika kuasa tidak ditetapkan, oleh Menteri;

Akta 51. "dokter pergigian berdaftar" ertinya seseorang doktor yang didaftarkan di bawah Akta Pergigian 1971;

"Hakim Pelawat" ertinya seseorang anggota Lembaga Hakim Pelawat yang dilantik di bawah seksyen 64;

*Ord T.M.
31/1952.*

*Ord. Sarawak
16/1961.
Sabah Bab
74.*

"hospital mental" ertinya sesuatu hospital yang ditubuhkan bagi penerimaan dan penahanan orang celaru mental di bawah seksyen 30 Ordinan Kecelaruan Mental 1952, dan termasuklah sesuatu hospital yang diluluskan yang diwartakan di bawah Ordinan Kesihatan Mental 1961 dan sesuatu rumah sakit di bawah Ordinan Orang Gila 1961;

"hukuman pemenjaraan" ertinya sesuatu hukuman yang melibatkan pengurangan dalam sesuatu penjara, dan termasuklah sesuatu hukuman asal yang dijatuhkan oleh sesuatu mahkamah serta sesuatu hukuman yang diberi secara peringanan;

"Jawatankuasa" ertinya Jawatankuasa Kumpulan Wang Hadiah Pegawai Penjara yang ditubuhkan di bawah seksyen 62;

"kesalahan kecil penjara" dan "kesalahan besar penjara" ertinya sesuatu kesalahan yang dilakukan oleh seseorang banduan terhadap tata tertib penjara dan yang dinyatakan sedemikian dalam peraturan-peraturan yang dibuat di bawah Akta ini;

"Ketua Pengarah" dan "Timbalan Ketua Pengarah" ertinya Ketua Pengarah Penjara dan Timbalan Ketua Pengarah Penjara yang dilantik di bawah seksyen 10;

"Kumpulan Wang" ertinya Kumpulan Wang Hadiah Pegawai Penjara yang ditubuhkan di bawah seksyen 60;

PENJARA7

"mahkamah" ertinya sesuatu mahkamah yang ditubuhkan oleh atau di bawah Bahagian IX Perlembagaan Persekutuan dan hendaklah termasuk—

- (a) Mahkamah Syariah;
- (b) Mahkamah Anak Negeri; dan
- (c) Mahkamah Tentera;

"Menteri" ertinya Menteri yang dipertanggungjawabkan dengan tanggungjawab bagi penjara;

"pegawai penjara" ertinya seseorang kakitangan berpakaian seragam jabatan penjara daripada dan termasuklah pangkat Ketua Pengarah Penjara ke bawah sehingga dan termasuklah seseorang Wardar;

"Pegawai Perubatan" dan "Pegawai Pergigian" ertinya Pegawai Perubatan atau Pegawai Pergigian, mengikut mana-mana yang berkenaan, yang dilantik di bawah seksyen 14;

"pegawai polis" mempunyai erti yang diberikan kepadanya di bawah Akta Polis 1967;

Akta 344.

"Pegawai Rendah Penjara" ertinya seseorang pegawai penjara daripada apa-apa pangkat dan termasuklah seseorang Sub Inspektor Penjara ke bawah sehingga dan termasuklah seseorang Wardar;

"Pegawai yang Menjaga" ertinya seseorang pegawai penjara yang berpangkat tidak rendah daripada Inspektor Penjara yang menjaga sesuatu penjara;

"Pendaftar" termasuklah Ketua Pendaftar, Timbalan Pendaftar, Penolong Kanan Pendaftar, Penolong Pendaftar dan Pendaftar Mahkamah Rendah, mengikut kehendak keadaan;

"pengamal perubatan berdaftar" ertinya seseorang pengamal perubatan yang didaftarkan sementara di bawah seksyen 12 atau yang didaftarkan penuh di bawah seksyen

Akta 50

14 Akta Perubahan 1971, mengikut mana-mana yang berkenaan;

"penjara" ertinya mana-mana rumah, bangunan, kepungan atau tempat, atau mana-mana bahagiannya, yang diisytiharkan sebagai sesuatu penjara di bawah seksyen 3 dan hendaklah termasuk tanah dan bangunan di sekitar kepungan penjara dan juga tanah lapang dan lain-lain tanah atau bangunan yang dipunyai atau yang bercantum dengannya dan digunakan oleh banduan;

"Perintah Tetap Ketua Pengarah" ertinya Perintah Tetap yang dikeluarkan oleh Ketua Pengarah Penjara dari semasa ke semasa;

"pihak berkuasa kompeten" ertinya mana-mana orang atau pihak berkuasa yang diletakhakan dengan kuasa untuk mengkomitkan seseorang ke penjara di bawah mana-mana undang-undang bertulis;

"senjata" ertinya apa-apa cota, senjata api, amunisi, dan termasuklah apa-apa alat yang ditentukan oleh Ketua Pengarah;

Akta 206.

"senjata api" mempunyai erti yang diberikan kepadanya di bawah Akta Senjata Api 1960;

"Suruhanjaya" ertinya Suruhanjaya Perkhidmatan Awam yang ditubuhkan di bawah Perkara 139 Perlembagaan Persekutuan;

"tempat kerja" ertinya sesuatu tempat di mana banduan dikehendaki oleh Ketua Pengarah untuk bekerja bagi maksud pemulihan banduan, yang kerja itu dilaksanakan di bawah pengawasan pegawai penjara.

(2) Bagi maksud tafsiran "banduan muda" dalam subseksyen (1), ia hendaklah termasuk seseorang banduan yang—

- (a) adalah bukan seorang banduan muda sebagaimana yang ditafsirkan di bawah Ordinan yang dimansuhkan oleh Akta ini;

- (b) adalah di bawah umur dua puluh satu tahun ; dan
- (c) sedang menjalani suatu tempoh pemenjaraan yang dijatuhkan sebelum mula berkuatkuasanya Akta ini.

BAHAGIAN II

PENUBUHAN DAN PENTADBIRAN

3. Menteri boleh, melalui pemberitahuan dalam *Warta*, mengisytiharkan mana-mana rumah, bangunan, kepungan atau tempat, atau mana-mana bahagiannya, sebagai suatu penjara bagi maksud Akta ini bagi pemenjaraan atau penahanan orang dalam jagaan sah dan boleh dengan cara yang sama mengisytiharkan bahawa mana-mana penjara sedemikian hendaklah terhenti sebagai suatu penjara bagi maksud Akta ini.

Kuasa mengisytiharkan penjara.

4. Tertakluk kepada apa-apa perisytiharan yang dibuat di bawah Akta ini, bangunan yang pada mula berkuatkuasanya Akta ini digunakan sebagai penjara hendaklah disifatkan sebagai penjara mengikut pengertian Akta ini.

Bangunan sedia ada diisytiharkan sebagai penjara.

5. Dalam apa-apa writ, waran, atau suratcara undang-undang lain yang dalamnya mungkin perlu untuk diperihalkan sesuatu penjara tertentu, apa-apa perihalan yang menetapkan sesuatu penjara dengan merujuk nama tempat atau bandar di mana ia terletak, atau apa-apa perihalan pasti yang lain, hendaklah menjadi sah dan mencukupi bagi semua maksud.

Perihalan penjara dalam writ, dsb.

6. (1) Ketua Pengarah boleh, dari semasa ke semasa, melalui perintah—

Penguntukan penjara bagi kategori banduan.

(a) menguntukkan penjara tertentu—

- (i) bagi melaksanakan pengasingan kategori banduan yang berlainan;
- (ii) bagi melatih kategori banduan yang berlainan ; atau
- (iii) bagi apa-apa sebab lain;

(b) menghadkan kategori banduan dalam penjara tertentu.

(2) Seseorang banduan daripada kategori yang baginya sesuatu penjara hendak diperuntukkan boleh dihantar dan dipenjarakan dengan sah di penjara itu walaupun waran atau perintah bagi pemenjaraan banduan itu telah dikeluarkan oleh sesuatu mahkamah yang tidak mempunyai bidang kuasa lazimnya di tempat di mana penjara itu terletak.

Penetapan, lokap di balai polis dan hangunan mahkamah sebagai tempat tahanan.

7. (1) Adalah sah bagi Menteri, melalui pemberitahuan dalam *Warta*, untuk menetapkan lokap di mana-mana balai polis dan bangunan mahkamah sebagaimana yang dinyatakan dalam pemberitahuan itu sebagai tempat bagi pengurungan orang, yang direman atau dihukum dengan apa-apa tempoh pemenjaraan, tidak melebihi satu bulan, sebagaimana yang dinyatakan dalam setiap kes.

(2) Sesuatu lokap yang ditetapkan sebagai suatu tempat pengurungan di bawah subseksyen (1)—

Akta 7.

(a) tidaklah boleh disifatkan sebagai sesuatu penjara bagi maksud Akta ini, atau Akta Pendaftaran Penjenayah dan Orang-Orang Yang Tak Diingini 1969 dan peraturan-peraturan yang dibuat di bawah Akta ini tidaklah terpakai baginya;

NM-B.Bab6
Akta 256,

(b) hendaklah disifatkan sebagai sesuatu penjara bagi maksud Bab XXVII Kanun Prosedur Jenayah atau Akta Penghutang 1957.

Penjara sementara.

8. (1) Bilamana Ketua Pengarah mendapati—

(a) bahawa bilangan banduan dalam sesuatu penjara adalah lebih ramai daripada bilangan yang semunasabahnya boleh ditempatkan dalam penjara itu dan bahawa adalah tidak sesuai untuk memindahkan bilangan yang lebih itu ke penjara lain; atau

PENJARA11

- (b) bahawa oleh sebab meletusnya sesuatu penyakit dalam sesuatu penjara atau bagi apa-apa sebab lain yang menyebabkannya perlu untuk menyediakan perlindungan sementara dan jagaan selamat bagi mana-mana banduan.

dia boleh, dengan kelulusan Menteri, mengarahkan secara bertulis bagi perlindungan dan jagaan selamat dalam penjara sementara sekian ramai banduan yang tidak boleh ditempatkan dengan sesuai atau selamat dalam penjara itu.

- (2) Sesuatu penjara sementara di bawah subseksyen (1) adalah suatu penjara bagi maksud Akta ini.

(3) Seseorang banduan yang dialihkan ke sesuatu penjara sementara di bawah subseksyen (1) hendaklah, jika sebab bagi pengalihan itu terhenti, dikembalikan ke penjara yang darinya dia dikeluarkan jika tempoh pemenjarannya belum habis.

(4) Arahan atau perintah yang dibuat atau diberi oleh Ketua Pengarah di bawah subseksyen (1) hendaklah bagi tempoh tidak melebihi tiga bulan.

(5) Walau apa pun subseksyen (4), jangkamasa apa-apa arahan atau perintah yang dibuat di bawah subseksyen (1) boleh, dengan kelulusan Menteri, dilanjutkan bagi tempoh tambahan tidak melebihi tiga bulan pada bila-bila masa dan pelanjutan itu tidaklah boleh dalam apa-apa hal melebihi keseluruhan tempoh sembilan bulan.

9. (1) Tertakluk kepada peruntukan Perlembagaan Persekutuan berhubungan dengan bidangkuasa, kuasa dan fungsi Suruhanjaya dan perintah Menteri yang dibuat di bawah Akta ini, penjagaan dan pentadbiran am penjara dan kawalan dan arahan am ke atas pegawai penjara di seluruh Malaysia hendaklah terletak pada Ketua Pengarah.

Pentadbiran
penjara.

(2) Ketua Pengarah boleh dari semasa ke semasa membuat apa-apa pemindahan dan mengarahkan

pengambilan kerja dan pengagihan pegawai penjara sebagaimana yang difikirkannya patut.

BAHAGIAN III

PEGAWAI

Perlantikan
pegawai.

10. (1) Yang di-Pertuan Agong boleh melantik seorang Ketua Pengarah Penjara bagi Malaysia.

(2) Maka hendaklah dilantik seorang Timbalan Ketua Pengarah, yang adalah seorang pegawai penjara, dan sekian bilangan pegawai penjara sebagaimana yang perlu bagi menjalankan peruntukan Akta ini.

(3) Pangkat bagi Pegawai Kanan Penjara dan Pegawai Rendah Penjara adalah sebagaimana yang dinyatakan dalam Jadual Pertama.

Ketiadaan
atau
ketakupayaan
Ketua
Pengarah.

11. (1) Jika Ketua Pengarah tidak ada atau ketakupayaan, kuasa dan tugas Ketua Pengarah di bawah Akta ini atau mana-mana peraturan yang dibuat di bawahnya boleh dijalankan dan dilaksanakan oleh Timbalan Ketua Pengarah.

(2) Jika Timbalan Ketua Pengarah tidak ada atau ketakupayaan, kuasa dan tugas Ketua Pengarah hendaklah dijalankan dan dilaksanakan oleh pegawai penjara yang terkanan dalam jabatan penjara,

Penntah
Tetap Ketua
Pengarah.

12. Ketua Pengarah boleh membuat dan mengeluarkan perintah, yang dipanggil Perintah Tetap Ketua Pengarah yang tidak berlawanan dengan Akta ini atau mana-mana peraturan yang dibuat di bawah Akta.

Tugas Ketua
Pengarah.

13. (1) Ketua Pengarah hendaklah—

- (a) secara berkala melawat dan memeriksa, atau menyebabkan supaya dilawati dan diperiksa, semua penjara di Malaysia;
- (b) menyelia dan mengawal semua perkara yang berkaitan dengan mana-mana penjara, yang pentadbirannya adalah terletakhak padanya; dan

- (c) bertanggungjawab kepada Menteri bagi—
 - (i) kelakuan dan pemerlakuan pegawai penjara dan banduan di bawah kawalannya; dan
 - (ii) pematuhan sewajarnya oleh pegawai penjara dan banduan akan peruntukan Akta ini dan semua undang-undang bertulis lain berhubungan dengan penjara atau banduan.

(2) Tertakluk kepada perintah Ketua Pengarah, Pegawai yang Menjaga hendaklah—

- (a) menyelia dan mengawal semua perkara yang berkaitan dengan mana-mana penjara, yang pentadbirannya adalah terletak padanya; dan
- (b) bertanggungjawab kepada Ketua Pengarah bagi—
 - (i) kelakuan dan pemerlakuan pegawai penjara dan banduan di bawah kawalannya; dan
 - (ii) pematuhan sewajarnya oleh pegawai penjara dan banduan akan peruntukan Akta ini dan semua undang-undang bertulis lain berhubungan dengan penjara atau banduan.

(3) Ketua Pengarah boleh, secara bertulis, mewakilkan penjalanan mana-mana kuasanya atau pelaksanaan mana-mana tugasnya di bawah Akta ini kepada mana-mana pegawai penjara—

- (a) tertakluk kepada apa-apa syarat atau had sebagaimana yang difikirkan patut oleh Ketua Pengarah; dan
- (b) kecuali perkara yang berhubungan dengan pemindahan pegawai penjara, pembuatan dan pengeluaran Perintah Tetap, dan apa-apa fungsi yang diwakilkan oleh Suruhanjaya kepada Ketua Pengarah menurut Perkara 144(6) Perlembagaan Persekutuan.

14. (1) Menteri yang dipertanggungjawab dengan tanggungjawab bagi perkhidmatan kesihatan hendaklah, bilamana hal keadaan membenarkan, melantik daripada kakitangan Kementerian Kesihatan seorang Pegawai

Pegawai
Perubatan
dan Pegawai
Pergigian
bagi penjara.

Perubatan dan seorang Pegawai Pergigian bagi setiap penjara.

(2) Jika hal keadaan tidak membenarkan suatu perlantikan di bawah subseksyen (1), maka Menteri yang dipertanggungjawabkan dengan tanggungjawab bagi perkhidmatan kesihatan boleh melantik mana-mana pengamal perubatan berdaftar atau mana-mana doktor pergigian berdaftar menjadi Pegawai Perubatan atau Pegawai Pergigian bagi mana-mana penjara tertentu.

(3) Pegawai yang Menjaga hendaklah berurusan dengan Kementerian Kesihatan atau jabatan kesihatan tempatan bagi pelaksanaan tugas seseorang Pegawai Perubatan atau Pegawai Pergigian oleh seorang lain jika Pegawai Perubatan atau Pegawai Pergigian itu tidak dapat melaksanakan tugasnya disebabkan oleh—

- (a) sakit;
- (b) ketiadaan buat sementara waktu; atau
- (c) kerana apa-apa sebab lain.

Tugas
Pegawai
Perubatan
dan Pegawai
Pergigian.

15. Seseorang Pegawai Perubatan dan Pegawai Pergigian yang dilantik di bawah seksyen 14 hendaklah berada di bawah kawalan dan penyeliaan Ketua Pengarah semasa dalam penjara dan hendaklah melaksanakan apa-apa tugas yang ditetapkan.

Terma dan
syarat
perlantikan.

16. Seseorang pegawai penjara yang dilantik di bawah Akta ini hendaklah tertakluk kepada terma dan syarat perkhidmatan yang terpakai baginya pada tarikh perlantikannya.

Tugas
pegawai
penjara.

17. Seseorang pegawai penjara hendaklah melaksanakan apa-apa tugas sebagaimana yang ditetapkan.

Senjata,
pelengkapan,
dsb.

18. Seseorang pegawai penjara hendaklah diberikan apa-apa senjata, kelengkapan, pakaian seragam dan pelengkapan lain sebagaimana yang ditetapkan oleh Ketua Pengarah sebagai perlu bagi pelaksanaan tugasnya dengan cekap.

(2) Seseorang pegawai penjara hendaklah memberi amaran kepada banduan bahawa dia akan menembaknya sebelum menggunakan senjata api dalam hal keadaan yang disebut dalam subseksyen (1).

(3) Tiada seorang pun pegawai penjara boleh, dalam kehadiran pegawai atasannya, menggunakan senjata api terhadap seseorang banduan dalam hal perbuatan kegemparan atau percubaan untuk melarikan diri kecuali di bawah perintah pegawai atasan itu:

Dengan syarat bahawa pegawai penjara itu boleh menggunakan senjata api dalam hal keadaan di mana adalah tidak semunasabahnya praktik untuk mendapatkan perintah daripada pegawai atasan dan bahawa keadaan itu dikemukakan kepada pegawai atasan itu.

(4) Penggunaan senjata di bawah seksyen ini hendaklah, setakat yang boleh, untuk menghilangkan keupayaan dan bukan untuk membunuh.

(5) Seseorang pegawai polis semasa bertindak atas sifat sebagai seorang pengawal pengiring atau pengawal dalam atau di sekitar sesuatu penjara atau lokap bagi maksud memastikan jagaan selamat ke atas seseorang banduan hendaklah tertakluk kepada peruntukan seksyen ini.

Pegawai
penjara
mempunyai
kuasa
pegawai
polis.

23. Tertakluk kepada apa-apa peruntukan yang dinyatakan sebaliknya, seseorang pegawai penjara semasa bertindak sedemikian hendaklah menurut jawatannya mempunyai semua kuasa, kewenangan, perlindungan dan keistimewaan seseorang pegawai polis.

Bantuan
polis semasa
darurat.

24. (1) Ketua Pengarah boleh, dalam sesuatu darurat atau bagi kepentingan keselamatan awam, meminta bantuan Polis Diraja Malaysia.

(2) Pegawai polis yang membantu di bawah subseksyen (1) hendaklah diketuai oleh seorang pegawai kanan polis dan semua pegawai polis sedemikian hendaklah berada di bawah kawalan dan penyeliaan Ketua Pengarah atau mana-mana pegawai penjara lain yang diberikuasa secara khas bagi maksud itu.

25. (1) Bagi maksud membolehkan pegawai penjara menimbang dan membawa kepada perhatian Kerajaan semua perkara yang melibatkan kebajikan atau kecekapan mereka, termasuk gaji, pencen dan syarat perkhidmatan, selain daripada persoalan tatatertib dan kenaikan pangkat yang melibatkan individu, maka bolehlah ditubuhkan sesuatu persatuan yang hendaklah dikendalikan dan ditadbirkan mengikut peraturan-peraturan yang dibuat oleh Menteri.

Pegawai penjara tidak boleh menjadi anggota kesatuan sekerja.

(2) Sesuatu persatuan yang ditubuhkan di bawah subseksyen (1) hendaklah pada keseluruhannya bebas daripada dan tidak dikaitkan dengan mana-mana kumpulan orang di luar jabatan penjara dan hendaklah disifatkan bukan sesuatu kesatuan sekerja dalam pengertian Akta Kesatuan Sekerja 1959, dan hendaklah dikecualikan daripada peruntukan Akta Pertubuhan 1966.

Akta 262

Akta 335.

(3) Tertakluk kepada subseksyen (1) dan (2), tiada pegawai penjara boleh menjadi seorang anggota mana-mana kesatuan sekerja atau persatuan yang mempunyai bagi tujuannya atau sebagai salah satu daripadanya kawalan atau yang mempengaruhi gaji, pencen atau syarat perkhidmatan pegawai penjara.

(4) Seseorang pegawai penjara yang melanggar subseksyen (3) adalah melakukan suatu kesalahan dan apabila disabitkan, boleh didenda tidak melebihi seribu ringgit.

(5) Apa-apa persoalan tentang sama ada sesuatu badan itu adalah kesatuan sekerja atau sesuatu persatuan yang baginya seksyen ini terpakai hendaklah ditentukan oleh Menteri.

(6) Sesuatu persatuan yang ditubuhkan sebelum mula berkuatkuasanya Akta ini di bawah seksyen 2?A Ordinan Penjara 1952 hendaklah disifatkan suatu persatuan yang ditubuhkan di bawah subseksyen (1) sehingga persatuan itu dibubarkan.

*Ord. T.M
81/1952.*

BAHAGIAN IV

JAGAAN DAN PENGALIHAN BANDUAN

- Jagaan. **26.** (1) Seseorang banduan—
- (a) yang dikurung dalam sesuatu penjara hendaklah disifatkan berada dalam jagaan sah Pegawai yang Menjaga penjara itu;
 - (b) hendaklah tertakluk kepada tatatertib penjara dan kepada semua undang-undang bertulis berhubungan dengan penjara atau banduan dan kepada Perintah Tetap Ketua Pengarah dalam tempoh pemenjarannya, sama ada dia berada dalam kawasan penjara atau tidak; dan
 - (c) semasa berada dalam jagaan atau di bawah kawalan seseorang pegawai penjara—
 - (i) apabila dibawa ke penjara atau dari penjara;
 - (ii) bila mana dia sedang bekerja di luar penjara; atau
 - (iii) selainnya berada di luar batasan penjara,hendaklah disifatkan berada dalam penjara dan hendaklah tertakluk kepada semua keadaan yang sama seolah-olah dia sebenarnya berada dalam penjara.
- (2) Jika seseorang banduan telah melarikan diri daripada jagaan sah, tempoh semasa bebas itu tidaklah dikira sebagai sebahagian hukuman yang sedang dijalani pada masa dia melarikan diri.
- Penyerahan orang yang ditahan secara waran. **27.** (1) Seseorang yang ditahan di bawah sesuatu waran atau sesuatu perintah mahkamah yang mempunyai bidang kuasa sivil atau jenayah hendaklah dibawa di hadapan mahkamah yang mengeluarkan waran atau perintah itu.
- (2) Jika mahkamah di bawah subseksyen (1) tidak bersidang, orang itu hendaklah diserahkan kepada seorang Pegawai yang Menjaga bagi jagaan perantaraan.

(3) Pegawai yang Menjaga hendaklah menyebabkan orang itu dibawa di hadapan mahkamah itu pada persidangan yang berikutnya supaya orang itu boleh diuruskan mengikut undang-undang.

28. (1) Seseorang yang dipertuduh dengan sesuatu jenayah atau kesalahan, dan yang direman kepada sesuatu penjara oleh mahkamah atau pihak berkuasa yang kompeten, hendaklah diserahkan kepada Pegawai yang Menjaga penjara bersama-sama dengan waran reman. Penyerahan orang yang ditahan secara reman.

(2) Pegawai yang Menjaga hendaklah—

(a) menahan dan menyebabkan supaya diserahkan kepada mahkamah atau pihak berkuasa yang kompeten; atau

(b) membebaskan,

orang yang diserahkan di bawah subseksyen (1) mengikut terma waran itu.

29. Seseorang Pegawai yang Menjaga hendaklah menempatkan dan menahan seseorang yang telah dikomitkan dengan sewajarnya ke dalam jagaannya oleh sesuatu mahkamah atau pihak berkuasa yang kompeten mengikut terma waran atau perintah yang dengannya orang itu telah dikomitkan atau sehingga orang itu dibebaskan mengikut perjalanan undang-undang yang sewajarnya. Pegawai yang Menjaga hendaklah menahan orang yang dikomitkan.

30. (1) Bilamana kehadiran seseorang banduan dikehendaki dalam sesuatu mahkamah yang mempunyai bidang kuasa sivil atau jenayah, mahkamah itu boleh mengeluarkan suatu perintah dalam bentuk yang ditetapkan dialamatkan kepada Pegawai yang Menjaga yang menghendaki pengemukaan banduan itu pada masa dan di tempat yang dinyatakan dalam perintah itu. Pengemukaan di hadapan mahkamah.

(2) Apabila menerima perintah itu, Pegawai yang Menjaga hendaklah menyebabkan banduan yang dinamakan dalam perintah itu dibawa sebagaimana diarahkan dan hendaklah memberikannya jagaan yang selamat semasa dia tidak berada di penjara.

(3) Sekiranya sesuatu penangguhan mengenai perkara yang baginya kehadiran banduan itu adalah dikehendaki, mahkamah boleh, melalui pengendorsan pada perintah itu, menghendaki banduan itu dibawa semula pada masa dan tempat yang dinyatakan dalam perintah itu.

(4) Sesuatu perintah yang dikeluarkan dari Mahkamah Persekutuan, Mahkamah Rayuan atau Mahkamah Tinggi boleh ditandatangani oleh Pendaftar Mahkamah, dan jika dikeluarkan oleh mana-mana mahkamah lain hendaklah ditandatangani oleh Hakim Mahkamah Sesyen, Majistret, Pendaftar atau mana-mana lain pegawai pengetua mahkamah, mengikut mana-mana yang berkenaan.

Kuasa Ketua Pengarah memerintahkan pengemukaan dalam hal tertentu.

31. (1) Ketua Pengarah—

- (a) boleh, setelah berpuas hati bahawa terdapat alasan yang munasabah yang menghendaki kehadiran seseorang banduan di mana-mana tempat di Malaysia; atau
- (b) hendaklah, apabila kehadiran seseorang banduan dikehendaki bagi maksud apa-apa siasatan awam,

melalui perintah secara bertulis, mengarahkan supaya banduan itu dibawa ke tempat itu.

(2) Seseorang banduan yang dibawa dari sesuatu penjara di bawah subseksyen (1) hendaklah, semasa berada di luar penjara itu, ditempatkan dalam apa-apa jagaan sebagaimana yang diarahkan oleh Ketua Pengarah, melalui perintah secara bertulis, dan semasa berada dalam jagaan itu hendaklah disifatkan berada dalam jagaan sah.

Pengalihan dan pemindahan banduan.

32. (1) Ketua Pengarah boleh, melalui perintah secara bertulis, mengalihkan atau memindahkan semua atau mana-mana banduan yang dikurung dalam sesuatu penjara ke mana-mana penjara lain.

(2) Tiada banduan yang dialihkan di bawah subseksyen (1) semasa berada dalam jagaan seseorang pegawai penjara disifatkan telah melarikan diri walaupun dia dibawa ke bidang kuasa yang berlainan atau ke tempat kurungan yang berlainan.

(3) Bagi maksud seksyen ini, adalah tidak perlu untuk mengenalpasti seseorang banduan melalui nama dalam perintah itu, tetapi adalah mencukupi untuk memperihalkan banduan itu dengan menyebut kerakyatan atau hukumannya atau dengan apa-apa perihalan am lain yang serupa.

33. Seseorang banduan yang dijatuhkan hukuman mati yang telah diperintahkan oleh Yang di-Pertuan Agong, Raja atau Yang di-Pertua Negeri supaya dijalankan boleh, melalui perintah Ketua Pengarah, dipindahkan ke mana-mana penjara lain, untuk menjalani hukumannya di sana.

Pemindahan banduan yang dijatuhkan hukuman mati.

34. Sesuatu perintah berhubungan dengan hukuman seseorang banduan yang dipindahkan di bawah seksyen 32 atau 33 hendaklah berkuatkuasa seolah-olah perintah itu telah diarahkan kepada Pegawai yang Menjaga penjara yang kepadanya banduan itu dihantar.

Perintah berhubungan dengan banduan yang dipindahkan

35. (1) Sesuatu perintah atau waran yang dibuat atau dikeluarkan oleh Menteri atau Ketua Pengarah menurut Akta ini hendaklah—

Keterangan.

(a) diterima sebagai keterangan dalam semua mahkamah tanpa bukti selanjutnya; dan

(b) menjadi keterangan bagi fakta yang dinyatakan dalamnya.

(2) Sesuatu tindakan yang dilakukan menurut sesuatu perintah atau waran yang dibuat atau dikeluarkan di bawah subseksyen (1) hendaklah disifatkan telah dibenarkan oleh undang-undang.

36. (1) Jika seseorang banduan yang sedang menjalani hukuman pemenjaraan atau yang dijatuhkan hukuman mati didapati celaru mental oleh Ketua Pengarah atas pengesahan Pegawai Perubatan, Ketua Pengarah hendaklah, melalui perintah secara bertulis, mengarahkan supaya banduan itu dialihkan, ditempatkan dan dirawat di sesuatu hospital mental atau tempat jagaan selamat lain yang sesuai di Malaysia dan ditempatkan di situ dan dirawat sebagaimana yang diarahkan oleh Ketua Pengarah.

Banduan celaru mental.

(2) Sesuatu perintah yang dikeluarkan di bawah subseksyen (1) hendaklah menjadi suatu kuasa bagi penerimaan banduan itu dan bagi penahanannya di hospital mental atau di tempat lain yang sesuai di Malaysia sehingga dialihkan atau dibebaskan sebagaimana diperuntukkan kemudian daripada ini.

(3) Jika seseorang banduan yang ditahan di hospital mental di bawah subseksyen (1) adalah, pada pendapat pegawai perubatan hospital mental itu, tidak lagi celaru mental, pegawai perubatan itu hendaklah melaporkan dengan sewajarnya kepada Ketua Pengarah—

(4) Apabila menerima laporan itu, Ketua Pengarah hendaklah, melalui perintah secara bertulis—

- (a) mengarahkan pemulangan banduan itu ke penjara yang darinya dia telah dialihkan atau ke mana-mana penjara lain jika tempoh pemenjarannya belum habis; atau
- (b) mengarahkan supaya banduan itu dibebaskan jika tempoh pemenjarannya telah habis.

(5) Jika seseorang banduan yang ditahan di bawah subseksyen (1) adalah, pada pendapat pegawai perubatan hospital mental itu, masih lagi celaru mental dan tempoh pemenjaraan yang baginya banduan itu ditahan telah habis—

*Ord. T.M.
No. 311/1952.*

(a) dalam hal Malaysia Barat, seksyen 46 Ordinan Kecelaruan Mental 1952 hendaklah terpakai bagi banduan itu seolah-olah dia telah ditahan mengikut suatu perakuan yang diberi di bawah seksyen 42 Ordinan itu;

(b) dalam hal Wilayah Persekutuan Labuan, sebagaimana perlu, apa-apa peruntukan Ordinan Kecelaruan Mental 1952 sebagaimana yang diperluaskan ke Wilayah Persekutuan Labuan oleh Yang di-Pertuan Agong, hendaklah terpakai;

(c) dalam hal Sabah, subseksyen 70(4) hingga (14) Ordinan Penjara hendaklah terpakai; dan

(d) dalam hal Sarawak, subseksyen 34(4) hingga (14) Ordinan Penjara hendaklah terpakai.

*Ordinan
Sabah 7/1956.*

*Sarawak
Bab 24*

(6) Masa yang diambil dalam melaksanakan apa-apa pengalihan di bawah seksyen ini dan tempoh semasa banduan itu ditahan di hospital mental hendaklah dikira sebagai sebahagian dari tempoh pemenjaraan itu.

37. (1) Dalam hal di mana seseorang banduan yang dikurung dalam penjara mengalami sakit yang serius yang penjara itu tidak mempunyai kemudahan yang mencukupi bagi rawatan banduan itu, Pegawai yang Menjaga boleh, atas perakuan seorang Pegawai Perubatan, membuat suatu perintah bagi pengalihan banduan itu ke sesuatu hospital kerajaan.

Banduan yang sakit.

(2) Jika seseorang banduan yang dialihkan di bawah subseksyen (1) adalah, pada pendapat pegawai perubatan hospital, masih perlu bagi banduan itu untuk terus berada di hospital itu, maka pegawai perubatan itu hendaklah, diakhir setiap bulan, menghantar suatu perakuan yang menyatakan fakta itu kepada Pegawai yang Menjaga penjara yang darinya banduan tersebut dialihkan.

38. (1) Jika seseorang banduan yang dialihkan ke hospital di bawah seksyen 37 adalah, pada pendapat pegawai perubatan hospital itu, tidak lagi perlu untuk terus berada di hospital itu, maka pegawai perubatan itu hendaklah menghantar suatu perakuan yang menyatakan fakta itu kepada Pegawai yang Menjaga penjara yang darinya banduan itu telah dialihkan.

Pemulangan ke penjara.

(2) Apabila menerima perakuan yang tersebut dalam subseksyen (1), Pegawai yang Menjaga hendaklah menyebabkan banduan itu dibawa balik ke penjara, jika dia masih lagi kena dikurung dalam penjara itu.

39. Jika seseorang banduan melarikan diri semasa dia berada di sesuatu hospital, tiada pegawai penjara boleh dipertanggungjawabkan dengan kelarian itu melainkan jika banduan itu telah ditempatkan dengan khusus dalam jagaan pegawai penjara itu.

Tanggungan kerana melarikan diri.

Tugas untuk membantu dalam mencegah kelarian.

40. (1) Adalah menjadi tugas pegawai perubatan hospital di mana seseorang banduan telah dialihkan di bawah seksyen 37 supaya memberi segala bantuan bagi memastikan bahawa langkah berjaga-jaga yang perlu bagi mencegah kelarian banduan yang menjalani rawatan di hospital itu telah diambil.

(2) Adalah sah bagi pegawai perubatan dalam subseksyen (1) untuk mengambil apa-apa langkah yang perlu untuk mencegah banduan daripada melarikan diri:

Dengan syarat bahawa tiada apa-apa langkah bagi mencegah seseorang banduan daripada melarikan diri boleh diambil yang, pada pendapat pegawai perubatan, berkemungkinan akan memudaratkan kesihatan banduan itu.

Jagaan khas dalam hospital.

41. Jika disebabkan beratnya kesalahan yang kerananya banduan boleh berada dalam jagaan atau kerana apa-apa sebab lain, Pegawai yang Menjaga berpendapat adalah wajar untuk mengambil langkah-langkah khas bagi keselamatan seseorang banduan semasa menjalani rawatan dalam sesuatu hospital, Pegawai yang Menjaga boleh, sekiranya tidak ada pegawai penjara, menempatkan banduan itu dalam jagaan dua orang atau lebih daripada dua orang yang layak dan sesuai, seorang daripadanya hendaklah berada dengan banduan pada setiap masa,—

(a) yang hendaklah diletakhakkan dengan kuasa dan kewenangan penuh untuk melakukan semua perkara yang perlu untuk mencegah banduan itu daripada melarikan diri; dan

(b) yang adalah bertanggungjawab bagi jagaan selamat banduan itu—

(i) sehingga masa banduan itu diserahkan kepada seorang pegawai penjara apabila dia dibenarkan keluar dari hospital itu; atau

(ii) sehingga masa apabila tempoh pemenjaraan banduan itu habis,

mengikut mana-mana yang berlaku dahulu.

42. (1) Jika perlu bagi maksud Bahagian ini untuk mengalihkan mana-mana banduan ke luar Malaysia melalui laut atau melalui udara, dia hendaklah dialihkan melalui vesel atau pesawat udara yang ditetapkan bagi maksud itu oleh Ketua Pengarah.

Vesel
pengalihan.

(2) Masa yang diambil dalam melaksanakan apa-apa pengalihan hendaklah dikira sebagai sebahagian daripada tempoh pemenjaraan itu.

43. (1) Tertakluk kepada mana-mana peraturan yang dibuat oleh Menteri, Ketua Pengarah boleh, pada bila-bila masa jika difikirkannya patut, melepaskan secara lesen dan atas apa-apa syarat sebagaimana yang dinyatakan dalam lesen, seseorang banduan yang sedang menjalani tempoh pemenjaraan serentak atau berturut-turut yang tidak kurang daripada empat tahun.

Pelepasan
banduan
secara lesen.

(2) Ketua Pengarah boleh, pada bila-bila masa,—

- (a) mengubahsuai atau membatalkan syarat yang tersebut dalam subseksyen (1); atau
- (b) melalui perintah, memanggil balik ke penjara seseorang banduan yang dilepaskan secara lesen di bawah subseksyen (1) tetapi tanpa menjejaskan kuasa Ketua Pengarah untuk melepaskan semula banduan itu secara lesen.

(3) Jika seseorang banduan dipanggil balik di bawah perenggan (b) subseksyen (2), lesennya hendaklah terhenti berkuatkuasa dan dia hendaklah, jika masih bebas, disifatkan bebas dengan menyalahi undang-undang dan apabila disabitkan, bolehlah di denda tidak melebihi dua ribu ringgit atau dipenjarakan selama tempoh tidak melebihi dua tahun atau kedua-duanya.

(4) Seseorang banduan yang tidak mematuhi mana-mana syarat lesen yang dikeluarkan kepadanya di bawah subseksyen (1) apabila disabitkan, bolehlah di denda tidak melebihi dua ribu ringgit atau dipenjarakan selama tempoh tidak melebihi dua tahun atau kedua-duanya.

Peremitan
hukuman.

44. (1) Dengan Tujuan untuk menggalakkan kelakuan baik dan kerajinan dan untuk memudahkan pemerlakuan pemulihan, seseorang banduan yang dihukum penjara selama lebih daripada sebulan, adalah berhak diberi remitan daripada hukumannya.

(2) Semua atau mana-mana bahagian remitan yang seseorang banduan berhak boleh, apabila melakukan sesuatu kesalahan di bawah seksyen 50, dibatalkan oleh Ketua Pengarah;

Dengan syarat bahawa tidak dalam mana-mana kes pun perlucuthakan boleh melebihi amaun remitan yang diperolehi pada masa berlakunya kesalahan itu.

(3) Ketua Pengarah boleh memulangkan kepada seseorang banduan semua atau mana-mana bahagian remitan yang telah dilucuthak semasa menjalani hukumannya.

(4) Seseorang banduan yang diberikan remitan sebahagian daripada hukumannya hendaklah dibebaskan apabila habisnya tempoh sekian banyak hukumannya yang tinggal selepas dipotong bahagian yang diremitkan daripada hukuman itu.

Pembebasan
banduan.

45. (1) Seseorang Pegawai yang Menjaga hendaklah bertanggungjawab bagi pembebasan banduan yang sewajarnya sebaik sahaja dia menjadi berhak untuk dibebaskan, sama ada kerana—

- (a) habisnya tempoh hukumannya;
- (b) pembayaran denda;
- (c) pengampunan;
- (d) peringanan hukuman; atau
- (e) remitan hukuman.

(2) Tertakluk kepada kelulusan Ketua Pengarah dan atas perbelanjaan Kerajaan, seseorang banduan yang dibebaskan sewajarnya daripada penjara mengikut seksyen ini boleh dipulangkan ke tempat di mana banduan itu lazimnya tinggal.

46. Tiada apa-apa dalam Akta ini boleh dikira sebagai mengurangkan atau menyentuh kuasa Hakim Mahkamah Tinggi untuk mengarahkan orang yang dikurung dalam mana-mana penjara di bawa ke hadapan Mahkamah di bawah peruntukan Bab XXXVI Kanun Prosedur Jenayah.

Kuasa kecualian Mahkamah Tinggi.

*N.M.B.
Bab 6.*

BAHAGIAN V

PEKERJAAN DAN TATATERTIB PENJARA

47. (1) Seseorang banduan yang dijatuhkan atau yang akan dijatuhkan sesuatu hukuman pemenjaraan semasa tempoh hukumannya itu adalah tertakluk—

Kesan hukuman pemenjaraan.

- (a) untuk dipenjarakan; dan
- (b) untuk menjalankan apa-apa kerja sebagaimana yang diarahkan oleh Pegawai yang Menjaga dan, setakat yang praktik, kerja itu hendaklah dijalankan—
 - (i) secara berkumpulan ;
 - (ii) di luar sel ;
 - (iii) di luar batasan penjara sebagaimana yang diluluskan oleh Ketua Pengarah.

(2) Pegawai Perubatan boleh memperakui seseorang banduan sebagai—

- (a) tidak sihat dan mengesyorkan supaya banduan itu dikecualikan daripada kerja; atau
- (b) sihat hanya untuk melaksanakan kerja ringan.

(3) Seseorang banduan di bawah subseksyen (2) hendaklah hanya dikehendaki menjalankan apa-apa kerja yang ditetapkan sebagai kerja ringan.

48. (1) Bagi maksud membolehkan banduan, selain daripada banduan yang disebut dalam seksyen 49, untuk mengambil pekerjaan yang menguntungkan semasa mereka sedang menjalani hukuman mereka, Menteri boleh

Skim bagi banduan untuk melibatkan diri dalam pekerjaan.

memperkenalkan sesuatu skim dan banduan itu boleh atas pilihan mereka sendiri mengambil bahagian dalam skim itu.

(2) Seseorang banduan yang mengambil pekerjaan di bawah skim yang disebut dalam subseksyen (1)—

- (a) boleh, walau apa pun perintah yang dibuat oleh sesuatu mahkamah bagi pengkomitan banduan itu, di bawa ke luar batasan penjara untuk melaksanakan kerja; dan
- (b) hendaklah, pada setiap masa disifatkan berada dalam penjara dan tertakluk kepada semua keadaan yang sama seolah-olah dia sebenarnya berada dalam penjara.

Pengasingan
banduan.

49. (1) Seseorang banduan—

- (a) yang dikurung di bawah proses sivil;
- (b) yang ditahan secara reman yang dituduh melakukan sesuatu jenayah atau kesalahan;
- (c) yang dikomitkan untuk dibicarakan; atau
- (d) yang dikurung kerana tiada penjamin,

lazimnya tidak boleh dicampurkan dengan banduan yang menjalani hukuman penjara atau dikehendaki bekerja lebih daripada apa-apa kerja semunasabahnya patut bagi menjaga diri dan pakaiannya dalam keadaan yang sempurna dan menjaga tempat yang dianya dikurung itu bersih.

(2) Jika seseorang banduan di bawah subseksyen (1) memilih untuk bekerja semasa tempoh dia dikurung, dia hendaklah menerima pembayaran bagi pekerjaan itu mengikut apa-apa kadar yang boleh ditetapkan dari semasa ke semasa.

(3) Seseorang banduan muda hendaklah, setakat yang dibenarkan oleh keadaan tempatan, ditempatkan berasingan daripada orang dewasa dalam tahanan.

(4) Jika Pegawai yang Menjaga mendapati bahawa adalah wajar bagi seseorang banduan itu diasingkan untuk mengekalkan keadaan dan tatatertib yang baik bagi sesuatu penjara atau kerana apa-apa sebab lain, maka adalah sah bagi pegawai itu memerintahkan banduan itu diasingkan selama apa-apa tempoh yang difikirkannya perlu.

50. (1) Seseorang Pegawai yang Menjaga boleh menghukum seseorang banduan yang didapati bersalah melakukan kesalahan kecil penjara selepas menjalankan siasatan sewajarnya dengan memerintakkannya menjalani satu atau lebih daripada hukuman yang berikut:

Hukuman bagi kesalahan penjara oleh Pegawai yang Menjaga.

- (a) celaan;
- (b) pengurangan peringkat;
- (c) penangguhan kenaikan peringkat;
- (d) perlucuthakan keistimewaan;
- (e) penyingkiran daripada skim pendapatan;
- (f) pengurangan gred pendapatannya;
- (g) perlucuthakan remitan tidak melebihi apa-apa amaun yang ditetapkan;
- (h) pengurangan berasingan dalam sel dengan diet terhad yang ditetapkan selama suatu tempoh tidak melebihi apa-apa tempoh yang ditetapkan.

(2) Hukuman yang disebut di perenggan (b) hingga (f) subseksyen (1) hendaklah bagi apa-apa tempoh yang ditetapkan.

(3) Jika seseorang Pegawai yang Menjaga mendapati seseorang banduan itu bersalah melakukan kesalahan besar penjara selepas menjalankan siasatan sewajarnya, maka Pegawai yang Menjaga itu boleh menghukum banduan itu dengan memerintakkannya menjalani satu atau lebih hukuman yang disenaraikan dalam subseksyen (1) atau sebagai tambahan kepada atau sebagai ganti baginya, mengenakan hukuman sebat dengan rotan, tidak melebihi sekian bilangan sebatan yang ditetapkan:

Dengan syarat bahawa apa-apa hukuman sebat yang diperintahkan hendaklah tertakluk kepada pengesahan oleh Menteri.

- Daftar hukuman. **51.** Pegawai yang Menjaga hendaklah mencatatkan dalam suatu daftar yang hendaklah dibuka bagi pemeriksaan Hakim Pelawat suatu rekod hukuman yang dikenakan olehnya ke atas banduan yang menunjukkan, berkenaan dengan setiap banduan yang dihukum, nama banduan itu, jenis kesalahannya dan takat hukumannya.
- Banduan boleh membuat pembelaannya. **52.** Tiada banduan boleh dihukum sehinggalah dia telah diberi peluang—
- (a) untuk mendengar tuduhan atau aduan terhadapnya dan keterangan yang menyokong tuduhan atau aduan itu; dan
 - (b) untuk membuat pembelaannya dan untuk meminta memberi keterangan bagi menyokong pembelaan itu.
- Pendakwaan bagi kesalahan. **53.** Tiada apa-apa dalam Akta ini boleh ditafsirkan sebagai mengecualikan mana-mana banduan daripada tindakan yang diambil terhadap apa-apa kesalahan melalui penjalanan biasa undang-undang, tetapi tiada banduan boleh dihukum dua kali bagi kesalahan yang sama.

BAHAGIAN VI

KESALAHAN

- Kesalahan mengenai perbekalan penjara. **54.** (1) Tiada seorang pun pegawai penjara, Pegawai Perubatan, Pegawai Pergigian atau kakitangan yang diambil kerja oleh jabatan penjara boleh—
- (a) secara langsung atau tak langsung mempunyai apa-apakepentingan kewangan dalam pembelian perbekalan penjara;
 - (b) menerima atau mempunyai apa-apa urusan kewangan dengan banduan atau kawan banduan mengenai apa-apa diskaun, hadiah atau lain-lain balasan daripada kontraktor, atau penjual, perbekalan penjara;
 - (c) menjual atau membekalkan mana-mana artikel untuk atau bagi kegunaan seseorang banduan atau sesuatu penjara;

(d) menerima secara langsung atau tak langsung —

- (i) apa-apa keuntungan atau faedah daripada penjualan atau pembekalan; atau
- (ii) apa-apa kepentingan dalam mana-mana kontrak atau perjanjian bagi penjualan atau pembekalan,

mana-mana artikel untuk atau bagi kegunaan seseorang banduan atau sesuatu penjara.

(2) Tiada seorang pun pegawai penjara, Pegawai Perubatan, Pegawai Pergigian atau kakitangan yang diambil kerja oleh jabatan penjara boleh membuat apa-apa perhubungan yang tidak dibenarkan dengan seseorang bagi apa-apa maksud dalam subseksyen (1).

(3) Seseorang yang melanggar seksyen ini adalah melakukan suatu kesalahan dan apabila disabitkan, bolehlah didenda tidak melebihi sepuluh ribu ringgit atau dipenjarakan selama tempoh tidak melebihi lima tahun atau kedua-duanya.

(4) Dalam seksyen ini rujukan kepada menjual atau membekal termasuklah masing-masingnya rujukan kepada menawarkan untuk jualan atau menawarkan untuk membekalkan dan juga memberi sewa dan menawarkan untuk memberi sewa.

55. (1) Tiada wang atau balasan lain boleh, atas apa-apa jua pun alasan, kena dibayar, dibayar, diberi atau dijanjikan, kepada seseorang pegawai penjara, Pegawai Perubatan, Pegawai Pergigian atau kakitangan yang diambil kerja oleh jabatan penjara, oleh atau bagi pihak seseorang banduan, sama ada pada masa dia—

Pembayaran
wang
dilarang.

- (a) dimasukkan ke dalam;
- (b) dikomitkan ke;
- (c) terus berada dalam; atau
- (d) dibebaskan dari,

sesuatu penjara.

(2) Seseorang pegawai penjara, Pegawai Perubatan, Pegawai Pergigian atau kakitangan yang diambil kerja oleh jabatan penjara, yang menerima atau meminta dari atau bagi pihak seseorang banduan—

- (a) apa-apa wang atau balasan lain;
- (b) janji mengenai wang atau balasan lain;
- (c) menjalankan apa-apa perkhidmatan sebagai balasan untuk menerima atau dijanjikan wang atau balasan lain,

bagi apa-apa maksud yang disebutkan dalam subseksyen (1) adalah melakukan suatu kesalahan dan apabila disabitkan, bolehlah didenda sebanyak sepuluh ribu ringgit atau dipenjarakan selama tempoh tidak melebihi lima tahun atau kedua-duanya.

Penyerahan pakaian seragam, dsb. semasa berhenti.

56. (1) Seseorang, apabila berhenti daripada menjadi seorang pegawai penjara, hendaklah dengan serta-merta menyerahkan kepada Pegawai yang Menjaga penjara yang dia berkhidmat pada masa dia berhenti sebagai seorang pegawai penjara, tiap-tiap artikel pakaian seragam, pakaian dan segala senjata, pelengkapan dan tiap-tiap jenis barang lain kepunyaan Kerajaan.

(2) Seseorang pegawai penjara yang tidak mematuhi subseksyen (1) adalah melakukan suatu kesalahan dan apabila disabitkan, bolehlah—

- (a) didenda tidak melebihi seribu ringgit atau dipenjarakan selama suatu tempoh tidak melebihi enam bulan atau kedua-duanya; dan
- (b) sebagai tambahan, bolehlah dipertanggungjawabkan untuk membayar nilai mana-mana artikel yang tidak diserahkan, yang nilainya hendaklah didapatkan semula seolah-olah ia adalah suatu denda.

57. (1) Seseorang, yang bukannya seorang pegawai penjara, yang—

(a) tanpa kebenaran yang sah, membeli atau menerima atau didapati memiliki dan yang gagal menjelaskan dengan memuaskan akan milikannya—

(i) ~~seseorang pegawai penjara~~ ~~bagi pelaksanaan~~ ~~seseorang pegawai penjara~~ ~~bagi pelaksanaan~~ ~~tugasnya; atau~~

(ii) kepada seseorang pegawai penjara ~~bagi~~ kepada seseorang pegawai penjara bagi perkhidmatan atau kelakuan baik;

(b) tanpa kebenaran yang sah, mengilang, menjual, membekalkan, menawarkan untuk menjual atau membekal sesuatu faksimili yang elok bagi —

(i) sesuatu lencana atau peranti yang digunakan untuk menunjukkan bahawa seseorang itu ialah seorang pegawai penjara atau menunjukkan pangkat seseorang pegawai penjara; atau

(ii) sesuatu pingat atau bintang yang diberi kepada seseorang pegawai penjara bagi perkhidmatan atau kelakuan baik;

(c) dengan menyalahi undang-undang memakai, menggunakan atau mempamerkan selain daripada semasa mengadakan pertunjukan pentas atau persembahan seragam seorang pegawai penjara;

(i) pakaian seragam seorang pegawai penjara;

(ii) sesuatu lencana atau peranti untuk menunjukkan bahawa dia ialah seorang pegawai penjara; atau

(iii) pakaian yang menyerupai atau yang mempunyai tanda tertentu pakaian seragam seseorang pegawai penjara,

Pemilikan,
penjualan
atau
pembekalan
artikel yang
dibekalkan
kepada
pegawai
penjara, dsb.
yang
menyalahi
undang-
undang.

adalah melakukan suatu kesalahan dan apabila disabitkan, boleh didenda tidak melebihi seribu ringgit atau

dipenjarakan selama suatu tempoh tidak melebihi enam bulan atau kedua-duanya.

(2) Seseorang pegawai penjara yang menjual atau mendedahkan —

- (a) apa-apa artikel yang telah dibekalkan kepadanya atau kepada mana-mana pegawai penjara bagi pelaksanaan tugas;
- (b) apa-apa pingat atau bintang yang diberikan kepada seseorang pegawai penjara bagi perkhidmatan atau kelakuan baik,

adalah melakukan suatu kesalahan dan jika disabitkan, bolehlah didenda tidak melebihi seribu ringgit atau penjara bagi suatu tempoh tidak melebihi enam bulan atau kedua-duanya.

Penyeludupan artikel yang dilarang ke dalam penjara.

58. (1) Seseorang yang menyeludupkan atau cuba untuk menyeludup sesuatu artikel yang dilarang ke dalam sesuatu penjara adalah melakukan suatu kesalahan dan apabila disabitkan, bolehlah didenda tidak melebihi dua ribu ringgit atau dipenjarakan selama suatu tempoh tidak melebihi enam bulan atau kedua-duanya.

(2) Dalam seksyen ini, "artikel larangan" ertinya apa-apa dadah, wang atau arak dan termasuklah apa-apa alat atau artikel sebagaimana yang ditetapkan oleh Ketua Pengarah dari semasa ke semasa.

Penalti am.

59. Seseorang yang melakukan sesuatu kesalahan di bawah Akta ini atau mana-mana peraturan yang dibuat di bawah Akta yang baginya tiada penalti diperuntukkan dengan nyata hendaklah, apabila disabitkan, didenda tidak melebihi lima ratus ringgit atau dipenjarakan selama suatu tempoh tidak melebihi enam bulan atau kedua-duanya.

BAHAGIAN VII

KUMPULAN WANG HADIAH PEGAWAI PENJARA

60. (1) Maka hendaklah ditubuhkan suatu kumpulan wang yang dikenali sebagai Kumpulan Wang Hadiah Pegawai Penjara (kemudian daripada ini disebut Kumpulan Wang) yang hendaklah dikendalikan sebagai suatu Akaun Amanah dalam Kumpulan Wang Disatukan Persekutuan.

Kumpulan
Wang Hadiah
Pegawai
Penjara.

(2) Kumpulan Wang itu hendaklah terdiri daripada—

- (a) segala emolumen yang dilucuthakkan oleh dan semua denda yang dikenakan ke atas pegawai penjara dalam apa-apa prosiding tatatertib;
- (b) semua pemberian, derma, hadiah dan caruman yang dibuat untuk atau bagi Kumpulan Wang ;
- (c) semua wang atau harta lain yang boleh dalam apa-apa cara boleh dibayar kepada atau diletakhakan dalam Kumpulan Wang; dan
- (d) semua wang—
 - (i) yang dirampas; atau
 - (ii) yang pemunyaannya tidak diketahui dan dijumpai,

semasa sesuatu penggeledahan dalam sesuatu penjara.

61. Tertakluk kepada peraturan-peraturan yang dibuat di bawah Akta ini, Kumpulan Wang hendaklah digunakan bagi maksud —

Penggunaan
Kumpulan
Wang.

- (a) menghadiahkan pegawai penjara bagi tindakan daya usaha dan keazaman yang cemerlang atau bagi kemahiran dalam melaksanakan apa-apa tugas jabatan yang menghendaki kebijaksanaan atau kebolehan;
- (b) menghadiahkan pegawai penjara bagi apa-apa tindakan keberanian yang patut dipuji yang kerananya nyawa telah diselamatkan atau harta telah terpelihara daripada kerugian atau kebinasaan; dan

- (c) mendapatkan keselesaan, kemudahan dan lain-lain faedah, yang tidak boleh dikenakan kepada hasil awam, bagi pegawai penjara, bekas pegawai penjara yang telah bersara secara pencen, ganjaran atau elaun atau orang yang pada keseluruhannya atau sebahagiannya bergantung kepada pegawai penjara yang telah meninggal dunia atau bekas pegawai penjara pada masa kematiannya.

Pentadbiran
Kumpulan
Wang

62. (1) Maka hendaklah ditubuhkan suatu Jawatankuasa Kumpulan Wang Hadiah Pegawai Penjara yang hendaklah mengelola Kumpulan Wang itu.

(2) Jawatankuasa hendaklah terdiri daripada anggota yang berikut :

- (a) Ketua Pengarah sebagai Pengerusi;
(b) dua orang Pegawai Kanan Penjara yang hendaklah dilantik oleh Menteri; dan
(c) dua orang pegawai awam yang hendaklah dilantik oleh Menteri.

(3) Tertakluk kepada peraturan-peraturan yang dibuat di bawah Akta ini, Jawatankuasa hendaklah mempunyai kuasa untuk mengawalselia prosidingnya.

(4) Tiada seorang pun boleh menjalankan sesuatu aktiviti untuk memungut wang bagi Kumpulan Wang tanpa terlebih dahulu mendapat keizinan bertulis dari Jawatankuasa.

(5) Mana-mana orang yang melanggar subseksyen (4) adalah melakukan suatu kesatahan.

BAHAGIAN VIII

AM

Pegawai
penjara
tertakluk
kepada
peraturan-
peraturan
tatatertib.

63. (1) Semua pegawai penjara hendaklah tertakluk kepada peraturan-peraturan berhubungan dengan tatatertib yang boleh dibuat dari semasa ke semasa oleh Yang di-Pertuan Agong di bawah Perkara 132(2) Perlembagaan Persekutuan.

(2) Bagi maksud seksyen ini, mana-mana peraturan yang sedang berkuatkuasa hendaklah hanya berkuatkuasa dan berkesan setakat yang peraturan-peraturan itu tidak bercanggah dengan mana-mana peraturan yang disebut di bawah subseksyen (1).

64. Menteri Besar atau Ketua Menteri dalam sesuatu Negeri atau Menteri yang bertanggungjawab bagi Wilayah Persekutuan, mengikut mana-mana yang berkenaan, hendaklah bagi setiap tahun melantik suatu Lembaga bagi Negeri atau Wilayah Persekutuan tersebut yang dinamakan Lembaga Hakim Pelawat yang mana semua Majistret bagi Negeri atau Wilayah Persekutuan tersebut hendaklah menjadi anggota *ex-officio*.

Perlantikan
Hakim
Pelawat.

65. (1) Seseorang Hakim Pelawat boleh—

Tugas Hakim
Pelawat.

- (a) pada bila-bila masa, melawat mana-mana penjara dalam Negeri atau Wilayah Persekutuan yang baginya dia dilantik;
- (b) memeriksa wad, sel, halaman dan lain-lain bilik dan bahagian penjara;
- (c) memeriksa dan menguji kualiti dan kuantiti makanan banduan;
- (d) mendengar aduan banduan, jika ada;
- (e) menyoal mana-mana banduan atau pegawai penjara,

bagi maksud menentukan, setakat yang boleh, sama ada peruntukan Akta ini dan mana-mana peraturan yang dibuat di bawah Akta dan Perintah Tetap Ketua Pengarah dipatuhi.

(2) Seseorang Hakim Pelawat hendaklah—

- (a) membawa perhatian Pegawai yang Menjaga akan apa-apa luar aturan yang boleh diperhatikan mengenai —
 - (i) cara penjara berfungsi; atau

(ii) pemerlakuan mana-mana banduan yang dikurung dalam penjara; dan

(b) menjalankan dan melaksanakan apa-apa kuasa dan tugas lain yang ditetapkan.

(3) Lembaga Hakim Pelawat hendaklah melantik sekurang-kurangnya seorang tetapi tidak lebih daripada empat orang anggotanya melawat secara bergilir-gilir setiap penjara dalam Negeri atau Wilayah Persekutuan setiap bulan bagi tahun itu.

(4) Seseorang Hakim Pelawat hendaklah, bagi maksud Akta ini, mempunyai kuasa untuk memanggil saksi dan mengendalikan sumpah.

Lawatan oleh Hakim, Majistret, dsb.

66. (1) Seseorang Hakim Mahkamah Tinggi, Hakim Mahkamah Sesyen dan Majistret yang mempunyai bidang kuasa di sesuatu tempat di mana sesuatu penjara terletak boleh, bilamana difikirkannya patut—

(a) memasuki dan memeriksa keadaan penjara dan banduan yang berada di dalamnya;

(b) menyoal mana-mana banduan atau pegawai penjara,

dan mencatatkan apa-apa pandangan yang difikirkannya patut diberikan mengenai keadaan penjara dan banduan dalam suatu Buku Pelawat.

(2) Sesuatu Buku Pelawat hendaklah disimpan bagi maksud subseksyen (1) oleh Pegawai yang Menjaga yang hendaklah dikemukakan kepada Hakim Pelawat pada lawatan mereka yang berikutnya.

Peraturan-peraturan.

67. (1) Menteri boleh menyiarkan dalam *Warta* apa-apa peraturan yang perlu atau suaimanfaat bagi pengurusan dan pengelolaan penjara yang baik, dan bagi menjalankan atau mencapai tujuan dan maksud Akta.

(2) Khususnya dan tanpa menjejaskan keluasan makna subseksyen (1), peraturan-peraturan yang dibuat di bawah seksyen ini boleh mengadakan peruntukan bagi semua atau mana-mana perkara yang berikut:

- (a) kuasa dan tugas orang yang diambil kerja dalam jabatan penjara;
- (b) pemeriksaan dan pengurusan lokap, pegawai yang akan menjaga lokap, dan bagi pekerjaan, diet dan tata tertib orang yang dikurung dalam lokap;
- (c) pemeriksaan perubatan, pengukuran, pengambilan gambar dan pengambilan kesan cap jari atau lain-lain rekod banduan, termasuklah statistik diri dan sejarah peribadi yang terperinci, dan bagi menghendaki jawapan yang lengkap dan benar bagi semua soalan yang ditujukan kepada banduan dengan tujuan untuk mendapatkan statistik dan sejarah sedemikian;
- (d) orang, jika ada, yang kepadanya ukuran, gambar, kesan cap jari atau lain-lain rekod yang hendak dihantar atau dibekalkan;
- (e) diet, pengkategorian, jagaan selamat, pengasingan, pemerlakuan dan tata tertib banduan;
- (f) pekerjaan banduan, termasuk peruntukan bagi kadar, kegunaan dan pengagihan pendapatan banduan;
- (g) skim pekerjaan yang menguntungkan dan khususnya bagi—
 - (i) kategori banduan yang layak untuk mengambil pekerjaan di bawah skim itu;
 - (ii) terma dan syarat yang atasnya banduan dibenarkan mengambil pekerjaan di luar batasan sesuatu penjara;
 - (iii) terma dan syarat pekerjaan;
 - (iv) cara bagaimana upah hendaklah dibayar kepada banduan;

- (v) perkadaran dan cara bagaimana upah yang didapati oleh banduan di bawah skim pekerjaan itu boleh disimpan oleh banduan;
- (h) jenis kerja yang diperlukan pada setiap peringkat pementjaraan bagi banduan dan cara bagaimana dan tempat di mana kerja itu diperlukan;
- (i) pelupusan hasil kerja banduan selain daripada hasil kerja dalam skim yang ditubuhkan di bawah perenggan (h) subseksyen (2);
- (j) remitan hukuman yang hendak dibenarkan kepada banduan yang mematuhi dengan sewajarnya peraturan-peraturan yang kepadanya mereka tertakluk, dan syarat yang atasnya remitan itu akan dibuat;
- (k) penubuhan persatuan membantu banduan dan bagi mensubsidikan kerja mereka dan menggunakan perkhidmatan mereka berkaitan dengan banduan yang dibebaskan atas percubaan dan banduan yang disabitkan yang hukuman mereka telah habis tempoh;
- (l) pembekalan wang, makanan, pakaian atau kemudahan perjalanan kepada banduan apabila mereka dibebaskan;
- (m) pentadbiran Kumpulan Wang Hadiah Pegawai Penjara;
- (n) prosiding dan lawatan Hakim Pelawat;
- (o) pengelasan kesalahan;
- (p) prosedur bagi menjalankan siasatan terhadap kesalahan yang dilakukan oleh banduan dan bagi perkara yang berhubungan dengannya; dan
- (q) apa-apa perkara yang dikehendaki atau yang boleh ditetapkan di bawah Akta ini.

(5) Dalam seksyen ini, "prosiding" bererti apa-apa prosiding walau apa pun mengenai jenis sivil atau jenayah termasuk sesuatu permohonan pada mana-mana peringkat sesuatu prosiding.

(6) Pada tarikh bermulanya berkuatkuasa Akta ini, Kumpulan Wang Hadiah Pegawai Penjara yang ditubuhkan di bawah Ordinan Penjara 1952, Kumpulan Wang Hadiah Penjara yang ditubuhkan di bawah Ordinan Penjara Sabah dan Kumpulan Wang Hadiah Pegawai Penjara yang ditubuhkan di bawah Ordinan Penjara Sarawak hendaklah digulung dan semua wang, harta, sama ada harta alih atau tak alih dan liabiliti yang kepadanya pelbagai kumpulan wang itu adalah berhak atau tertakluk kepada hendaklah oleh sebab seksyen ini menjadi wang, hak harta dan liabiliti Kumpulan Wang Hadiah Pegawai Penjara yang ditubuhkan di bawah seksyen 60 oleh kuatkuasa undang-undang tanpa apa-apa keperluan bagi sesuatu notis untuk diberi kepada mana-mana pihak yang terlibat dengan pemindahan tersebut.

*Ord. T.M.
81/1952.
Ord. Sabah
7/1956.
Sarawak.
Bab 24*

JADUAL PERTAMA

(Subseksyen 10(3))

Pegawai Kanan Penjara

Ketua Pengarah Penjara
Timbalan Ketua Pengarah Penjara
Pengarah Penjara
Penguasa Kanan Penjara
Penguasa Penjara
Timbalan Penguasa Penjara
Penolong Penguasa Penjara
Inspektor Penjara

Pegawai Rendah Penjara

Sub-Inspektor Penjara
Sarjan Mejar Penjara
Sarjan Penjara
Koperal Penjara
Wardar

JADUAL KEDUA
(Subseksyen 68(1))

PEMANSUHAN

Nombor Ordinan/Kaedah- Kaedah	Tajuk Ordinan/Kaedah- Kaedah	Takat Pemansuhan
1. Ord.T.M.81/1952	Ordinan Penjara	Keseluruhannya
2. Ord. Sabah 7/1956	Ordinan Penjara	<p data-bbox="842 678 1034 766">Keseluruhannya kecuali yang berikut:</p> <p data-bbox="865 795 1064 883">(1) subseksyen 70(4) hingga (14); dan</p> <p data-bbox="865 942 1078 1354">(2) subseksyen 81(1) ber- kenaan dengan hukuman pemenjaraan yang dijatuh- kan ke atas seseorang banduan sebelum tarikh mula berkuat- kuasa Akta ini.</p>
3. Sarawak Bab 24	Ordinan Penjara	Keseluruhannya kecuali subseksyen 34(4) hingga (14).
4. Sarawak P.A.S. 31/1956	Kaedah-Kaedah Penjara	Bahagian VI

JADUAL KETIGA
(Subseksyen 68(3))

PEMAKAIAN UNDANG-UNDANG

Negeri	Takat Pemakaian
1. Sabah	Bahagian 6 Kaedah-Kaedah Penjara 1953 (P.U.326/1953)
2. Sarawak	Bahagian 6 Kaedah-Kaedah Penjara 1953 (P.U. 326/1953)

HURAIAN

Rang Undang-Undang ini bertujuan menyatukan dan meminda undang-undang yang sedia ada berhubungan dengan penjara dan banduan. Apabila menjadi undang-undang, ia akan menggantikan Ordinan Penjara 1952 yang sedia ada bagi Malaysia Barat, Ordinan Penjara 1956 bagi Sabah dan Ordinan Penjara 1956 bagi Sarawak.

2. Bahagian I memperkatakan perkara permulaan seperti takrif perkataan dan ungkapan tertentu yang digunakan dalam Rang Undang-Undang.

3. Bahagian II memperkatakan tentang penubuhan dan pentadbiran penjara. *Fasal 8* memberi Ketua Pengarah kuasa untuk mengadakan jagaan selamat bagi banduan dalam penjara sementara apabila bilangan banduan dalam sesuatu penjara adalah lebih ramai daripada yang semunasabahnya boleh ditahan dalam penjara, atau sekiranya meletus sesuatu penyakit dalam penjara, atau bagi apa-apa sebab lain. Walau bagaimanapun, penjara sementara hendaklah bagi suatu tempoh tidak melebihi tiga bulan. Jangkamasa ini boleh dilanjutkan sehingga jumlah tempoh sembilan bulan.

Fasal 9 meletakhakkan penjagaan dan pentadbiran am penjara serta kawalan dan arahan ke atas pegawai penjara di seluruh Malaysia pada Ketua Pengarah.

4. Bahagian III memperkatakan perkara yang berhubungan dengan pegawai.

Fasal 10 mengadakan peruntukan perlantikan Ketua Pengarah Penjara bagi Malaysia oleh Yang di-Pertuan Agong. Maka hendaklah juga dilantik seorang Timbalan Ketua Pengarah, yang adalah pegawai penjara dan juga sebilangan pegawai penjara lain yang perlu bagi

menjalankan peruntukan Rang Undang-Undang ini. Pangkat Pegawai Kanan Penjara dan Pegawai Rendah Penjara adalah dinyatakan dalam Jadual Pertama.

Fasal 20 bertujuan untuk mengadakan peruntukan bahawa pegawai penjara hendaklah mematuhi semua undang-undang bertulis, peraturan-peraturan dan perintah sah pegawai atasan.

Fasal 24 bertujuan membolehkan Ketua Pengarah meminta bantuan Polis Diraja Malaysia sewaktu darurat.

5. Bahagian IV memperkatakan tentang penjagaan dan pengalihan banduan.

Fasal 26 bertujuan mengadakan peruntukan bahawa banduan adalah disifatkan berada dalam jagaan sah Pegawai Penjaga. Ia juga memperuntukkan bahawa seseorang banduan hendaklah tertakluk kepada tatatertib penjara, semua undang-undang bertulis berhubungan dengan penjara atau banduan kepada dan Perintah Tetap Ketua Pengarah semasa tempoh pemenjarannya sama ada atau tidak dia berada dalam kawasan sesuatu penjara.

Fasal 31 bertujuan membolehkan Ketua Pengarah dalam hal keadaan terhad yang tertentu mengarahkan pengemukaan seseorang banduan di mana-mana tempat di Malaysia.

Fasal 44 memperkatakan tentang peremitan hukuman. Semua banduan berhak kepada peremitan hukuman mereka. Apabila seseorang banduan didapati melakukan sesuatu kesalahan di bawah seksyen 50, Ketua Pengarah boleh membatalkan semua atau sebahagian daripada peremitan yang banduan itu berhak. Walau bagaimanapun, Ketua Pengarah boleh memulangkan semua atau mana-mana bahagian sesuatu peremitan banduan yang mana banduan telah dilucuthakkan semasa menjalani hukumannya.

Fasal 45 memperkatakan tentang pembebasan banduan. Ia juga membolehkan Ketua Pengarah mengembalikan seseorang banduan yang dibebaskan dengan sewajarnya daripada penjara ke rumahnya dengan dibiayai oleh Kerajaan.

6. Bahagian V memperkatakan tentang pekerjaan bagi banduan dan tatatertib penjara.

Fasal 48 bertujuan memberi Menteri kuasa untuk memperkenalkan suatu skim bagi banduan melibatkan diri dalam pekerjaan yang menguntungkan di luar had penjara.

Fasal 50 bertujuan membolehkan Pegawai Penjaga menghukum banduan yang didapati bersalah kerana kesalahan kecil penjara atau kesalahan besar penjara.

Fasal 51 mengadakan peruntukan bagi penyenggaraan suatu daftar hukuman yang dalamnya hendaklah direkodkan butir-butir hukuman yang dikenakan.

Fasal 52 bertujuan untuk memberikan peluang kepada seseorang banduan untuk membuat pembelaannya sebelum apa-apa hukuman dikenakan.

7. Bahagian VI memperkatakan tentang kesalahan.

Fasal 54 dan *55* masing-masingnya memperkatakan tentang kesalahan berkenaan dengan bekalan penjara dan pembayaran wang atau balasan lain kepada seseorang pegawai penjara oleh atau bagi pihak seseorang banduan.

Fasal 56 menghendaki seseorang yang berhenti daripada menjadi seorang pegawai penjara supaya menyerahkan kepada Pegawai Penjaga semua pakaian seragam, senjata dan pelengkapan lain. Kegagalan berbuat sedemikian adalah menjadi suatu kesalahan.

Fasal 58 menjadikan penyeludupan artikel yang dilarang ke dalam penjara suatu kesalahan dan *fasal 59* memperuntukkan suatu penalti am bagi kesalahan di mana penalti spesifik tidak diperuntukkan.

8. Bahagian VII memperkatakan tentang Kumpulan Wang Hadiah Pegawai Penjara.

Fasal 60 menubuhkan Kumpulan Wang Hadiah Pegawai Penjara.

Fasal 61 menyatakan maksud Kumpulan Wang digunakan.

Fasal 62 menetapkan bahawa Kumpulan Wang itu ditadbirkan oleh Jawatankuasa Kumpulan Wang Hadiah Pegawai Penjara. Jawatankuasa ini mengandungi Ketua Pengarah Penjara sebagai Pengerusi, dua orang pegawai kanan penjara dan dua orang pegawai awam yang akan dilantik oleh Menteri.

9. Bahagian VIII memperkatakan perkara-perkara am.

Fasal 63 bertujuan mengadakan peruntukan bahawa pegawai penjara adalah tertakluk kepada peraturan tatatertib.

Fasal 64 bertujuan mengadakan peruntukan bagi perlantikan suatu Lembaga Hakim Pelawat dalam setiap Negeri atau Wilayah Persekutuan.

Fasal 65 menyatakan tugas Lembaga iaitu melawat penjara dan juga memeriksa kemudahan penjara untuk menentukan sama ada peruntukan Akta dipatuhi.

Fasal 67 bertujuan memberi kepada Menteri kuasa untuk membuat peraturan-peraturan untuk melaksanakan tujuan dan maksud Akta yang dicadangkan.

Fasal 68 memperkatakan peruntukan pemansuhan, kecualian dan peralihan.

IMPLIKASI KEWANGAN

Rang Undang-Undang ini tidak akan melibatkan Kerajaan dalam apa-apa perbelanjaan wang tambahan. [PN.(U²)1742.]